

«Բանրերը Հայաստանի արխիվներին», Հայկական ՍՍՌ ՆԳՄ Արխիվային վարչության օրգան, № 1, Երևան, 1960, 240 էջ, գինը 7 ռ. 50 կ.:

Վերջերս լույս տեսավ Հայկական ՍՍՌ ներքին գործերի մինիստրության Արխիվային վարչության օրգան «Բանրերը Հայաստանի արխիվներին» հանդեսը, որը «կոչված է գիտական շրջանառության մեջ դնելու հայ ժողովրդի պատմության, հատկապես Սովետական Հայաստանի վերաբերյալ արխիվային գոկումենտալ նյութեր»:

Հանդեսի խմբագրությունը, ինչպես ասված է առաջին համարի ներածականում, ծրագրել է «Բանրերում» տպագրել արխիվային վավերագրերի հավաքածուներ, ինչպես նաև արխիվային փաստաթղթերի հիման վրա գրված գիտական հոդվածներ, ինֆորմացիաներ, որոնք կարտացոլեն հայ ժողովրդի պատմությունը, Սովետական իշխանության համար նրա մղած պայքարը, նրա բարեկամությունը և փոխադարձ կապերը մյուս ժողովուրդների հետ, Սովետական Հայաստանի տնտեսության, կուլտուրայի, գիտության և արվեստի զարգացման ուղղությամբ հայ ժողովրդի ձեռք բերած նվաճումները: Բացի այդ, «Բանրերին» էջերում տպագրվելու են Հայաստանի արխիվներում պահվող արխիվային նյութերի թեմատիկ և ֆոնդային տեսություններ, համառոտ տեղեկատու ցուցակներ, որոնք կրացահայտեն ռեսպուբլիկայի արխիվներում պահվող արխիվային ֆոնդերի բովանդակությունը: Հանդեսում կտպագրվեն նաև դրախտություններ՝ Հայկական ՍՍՌ արխիվների նյութերի հիման վրա գրված հրատարակությունների վերաբերյալ:

«Բանրերը Հայաստանի արխիվներին» հանդեսը մի կողմից կնպաստի արխիվային շինարարության հետագա զարգացմանը Հայաստանում, մյուս կողմից տպագրելով չհրապարակված արխիվային նյութերը, կօգնի սովետահայ պատմագիտությանը:

Հանդեսի առաջին համարը բացվում է Սովետական Հայաստանի արխիվային շինարարության արդի խնդիրներին նվիրված հոդվածով (Արխիվային շինարարությունը Հայաստանում

1960—1965 թթ.): Հոդվածագիր Վ. Կզարթմյանը, որ Հայկական ՍՍՌ ՆԳՄ Արխիվային վարչության պետն ու «Բանրերը Հայաստանի արխիվներին» հանդեսի խմբագիրն է, նշում է, որ Սովետական Հայաստանի արխիվային շինարարության արդի, առաջնահերթ, հրատապ խնդիրներն են՝ ապահովել արխիվային փաստաթղթերի պահպանումը, կենտրոնացնել հայ ժողովրդի պատմության վերաբերյալ փաստաթղթերը և օգտագործել դրանք Սովետական Հայաստանի ժողովրդական տնտեսության, գիտության ու կուլտուրայի հետագա զարգացման նպատակների համար:

Վ. Կզարթմյանի հոդվածը փաստորեն մի համառոտ հաշվետվություն է Հայաստանի արխիվների անցած դործունեության և մոտակա տարիների անելիքների մասին: Հոդվածից տեղեկանում ենք, որ Սովետական Հայաստանի կառավարությունը զգալի նյութական միջոցներ է հատկացրել արխիվային գործի բարելավման, կադրերի պատրաստման ու որակավորման համար: «Երևանում, Լենինականում և Ռեսպուբլիկայի մի շարք արդյունաբերական վայրերում կառուցվելու են նոր շենքեր արխիվների համար», — հաղորդում է հեղինակը և ապա թվարկում այն միջոցառումները, որոնք ուղղված են արխիվային փաստաթղթերը անեղծ պահելու, եղծված արխիվային փաստաթղթերը վերականգնելու, Հայաստանում գործող արխիվների աշխատանքը կոորդինացնելու, ռեսպուբլիկայից դուրս գտնվող արխիվների հետ կապերի մեջ մտնելու, այդ արխիվներից հայ ժողովրդի պատմությանը վերաբերող նյութերը կամ դրանց ֆոտոպատճենները ստանալու, կենտրոնացնելու և դրանք սիստեմատիկաբար հրատարակելու նպատակին:

Հանդեսի առաջին համարի փաստաթղթերի հրապարակման բաժնում գետեղված են արխիվային մի շարք նյութեր Ստեփան Շահումյանի մասին: Այդ փաստաթղթերը (թվով 37), որ հրատարակության են պատրաստել Խ. Բարսեղ-

յանն ու Յու. Մոսվյանը, ներկայացնում են Շահումյանի կյանքի ու գործունեության վերաբերյալ ցարական կառավարության պահանջական բաժանմունքների գրագրությունները և պայմանները, թե ինչպես ցարական կառավարության վարձկան լրտեսները հետապնդել են լենինյան տիպի պրոֆեսիոնալ ռեվոլյուցիոներ Մտեփան Շահումյանին: Փաստաթղթերը, որոնք ստացվել են տարբեր արխիվներից, անշուշտ, նոր ու չափազանց արժեքավոր նյութ կտան Շահումյանի կյանքն ու գործունեությունը հետազոտողներին: Պետք է ցավել միայն, որ որոշ փաստաթղթեր հրատարակվել են կրճատումներով, մի բան. որից պետք է խուսափի «Բանբերի» խմբագրությունը:

Փաստաթղթերի հրապարակման բաժնում գետնից վաճ են լինում Մատթիա Գարագաշյանի նորահայտ նամակները, որ «Թիֆլիսի հայոց հրատարակչական ընկերության» արխիվային ֆոնդերում հայտնաբերել է Վ. Վարդանյանը: Նամակները վերաբերում են Դարագաշյանի «Քննական պատմություն հայոց» քառահատոր աշխատության տպագրությունը գլուխ բերելու գործին և որոշ կենսագրական տեղեկություններ են տալիս XIX դարի երկրորդ կեսի արևմտահայ առաջավոր մտածող Գարագաշյանի կյանքի և գործունեության մասին:

Հանդեսի երկրորդ բաժնում գետնից վաճ են արխիվային փաստաթղթերի հիման վրա գրված մի շարք գիտահետազոտական հոդվածներ: Դրանցից երեքը նվիրված են Սովետական Հայաստանի պատմության տարբեր ժամանակների համեմատաբար քիչ ուսումնասիրված որոշ հարցերի: Հ. Պետրոսյանի հոդվածը լուսարանում է երրորդ հնգամյա պլանի կառարման համար ռեսպուբլիկայի Կոմպարտիայի պայքարի պատմությունը և աչքի է ընկնում փաստական հարուստ նորություններով: Հեղինակը նպատակ է դրել ցույց տալ Կոմունիստական պարտիայի ռեզոլյուցիոն կազմակերպող դերը ռեսպուբլիկայի տնտեսական վիթխարի վերափոխումների մեջ և այդ նրան հիմնականում հաջողվել է: Հաջողված պետք է համարել և Սովետական Հայաստանի էլեկտրիֆիկացիայի պատմությունը (1921—1928 թթ.)» պատմա-դիտական հոդվածը, որը գրել է Հր. Գրիգորյանը: Հաղորդումների բաժնում գետնից վաճ հաջորդ հոդվածը, որի հեղինակն է Ս. Դավթյանը, արուստ փաստական տվյալներով տալիս է Հայաստանի կոլտնտեսային գյուղացիության նյութական բարեկեցության և կուլտուրական մակարդակի աճման չափազանց ուշագրավ պատկերը:

Վերևում հիշատակված երեք հոդվածները բուն են նաև թերություններ, որ ամենից առաջ

արտահայտվում են ձեռնարկած գործը որոշ զեպրերում մինչև վերջը շտանելու, ընդհանրացումներ կատարելիս քիչ համարձակ լինելու մեջ: Վերցնենք, օրինակ, Հ. Պետրոսյանի հոդվածը: Հեղինակը բազմաթիվ դիպուկ փաստերով վեր է հանել ու ընդգծել Հայաստանի սկզբնական պարտիական կազմակերպությունների կատարած դերը ռեսպուբլիկայի երրորդ հնգամյա պլանի կենսագործման համար մղվող պայքարում, բայց պատշաճ կերպով չի խորացել իր բերած ուշագրավ փաստերի ետևում կանգնած գործոնների բացահայտման ու բացատրության մեջ: Հր. Գրիգորյանը, տալով Հայաստանի էլեկտրիֆիկացման վաղ շրջանի փաստերով հարուստ պատմությունը, բավարար չափով չի լուսարանել ժողովրդական մասնաճյուղի դերը ռեսպուբլիկայի էլեկտրիֆիկացման գործում: Հեղինակի այս վրիպման կապակցությամբ հիշենք, որ Հայաստանի էլեկտրիֆիկացման առաջին քայլերը առաջ բերեցին աշխատավորների մասսայական շարաթորյակների շարժում ներկայում, լենինականում, իկավերդում, Ղափանում: Շարժումը քաղաքներից անցավ գյուղը և լայն տարածում գտավ ամբողջ ռեսպուբլիկայում: Ը դեպ, ժողովրդական մասնաճյուղի շարժումը պատշաճ խորությամբ չի լուսարանվել և Ս. Դավթյանի հոդվածում: Լենդրադառնալով սոցիալիզմի ժամանակ Հայաստանի կոլտնտեսային գյուղացիության նյութական բարեկեցության և կուլտուրական մակարդակի աճման պատմությանը, հեղինակը տվել է, ինչպես արդեն ասել ենք, փաստական հարուստ նյութ, կատարել է որոշ ընդհանրացումներ, բայց կոլտնտեսային գյուղացիության աշխատանքային ակտիվությունն ու ձեռներեցությունը չի քաշել առաջին պլանի վրա, իսկ գյուղական պարտիական կազմակերպությունների գործունեությունը, որ ամենուրեք Հայաստանի կոլտնտեսային գյուղացիության բարեկեցության և կուլտուրական մակարդակի աճման գործի խթաններից է եղել, համարյա դուրս է թողել իր տեսադաշտից:

«Բանբերի» երկրորդ բաժնում գետնից վաճ են և հայ ժողովրդի նախասովետական շրջանի պատմության հարցերին վերաբերող մի շարք հոդվածներ, որոնցից առաջինը Վ. Հ. Քալաշյանի «Հայաստանի բանվոր դասակարգի նախապատմության հարցի շուրջը» վերնագիրը կրող հոդվածն է:

Հեղինակը, ինչպես երևում է հոդվածից, բոլոր ամենայնի ուսումնասիրել և ուսումնասիրում է Հայաստանի բանվոր դասակարգի պատմության վաղ շրջանը և իր կատարած ուսումնասիրություններով հասնելով որոշ արդյունքների, հանդես է եկել Հայաստանի բանվոր դասակարգի

պատմության վաղ շրջանի հարցերին նվիրված գրականության մեջ տեղ գտած թերի և հակասական կոնցեպցիաների դեմ:

Հանդեսում այնուհետև տպագրված է Ա. Գրիգորյանցի «Արդյունաբերության վիճակը և բանվորների դրությունը Հայաստանում 1910—1914 թթ.» հոդվածը, որ նվիրված է Հայաստանի բանվոր դասակարգի պատմության քիչ ուսումնասիրված լեզբից մեկին: Հեղինակը ցույց է տալիս, որ այն բանից հետո, երբ կապիտալիզմը թեկնածու էր դարձնում նոր շրջանը՝ իմպերիալիզմի շրջանը, Հայաստանի արդյունաբերության մեջ ևս տեղի ունեցավ կապիտալի համակենտրոնացում ու կենտրոնացում, որի հետևանքով աճեց Հայաստանի բանվոր դասակարգի շահագործման աստիճանը, աղքատացումը, սրվեցին աշխատանքի և կապիտալի միջև եղած հակասությունները: Հարուստ փաստական տվյալների հիման վրա հեղինակը բացահայտում է առավելագույն շահույթ ձեռք բերելու նպատակին ուղղված կապիտալիստների միջոցառումները, որոնց նպատակն էր մարսիմալ չափերով շահագործել Հայաստանի բանվոր դասակարգին և երկրի ընդերքի հարստությունները:

Հոդվածում հեղինակն անդրադառնում է Հայաստանի բանվոր դասակարգի տվյալ ժամանակաշրջանի ռևոլյուցիոն պոթենցիալների պատմական պրոցեսին, ցույց է տալիս, թե ինչպես ռուսական առաջին ռևոլյուցիայի շուրջված հարցերը այդ շրջանում օրակարգի մեջ են դրվում նոր ուժով, և Հայաստանի բանվոր դասակարգը հետևելով համառուսական պրոլետարիատի օրինակին, չծախսված ուժերի կրակով պատրաստվում է նոր գրոհների: Հեղինակը առանձնապես ընդգծել է Անդրկովկասի բոլշևիկյան կազմակերպությունների ղեկավար գերբերկրամասի, այդ թվում և Հայաստանի բանվորական շարժումը կազմակերպելու, նրան

նպատակասլաց ուղղություն տալու համար մղվող պայքարում:

«Բաների» հոդվածների բաժնում տպված է նաև Մ. Հակոբյանի «Հայաստանի կոոպերացիայի պատմությունից» փոքրիկ հոդվածը. Գ. Հարությունյանի և Վ. Վարդանյանի «Թիֆլիսի հայերեն գրքերի հրատարակչությունը և հայ գրողների փոխհարաբերությունը» ծավալուն հոդվածը, ինչպես և երկու հաղորդումներ (Խ. Բաղալյան՝ «Էջեր օտար զավթիչների դեմ հայ և աղբրեջանական ժողովուրդների համատեղ պայքարի պատմությունից» և Պ. Կոկինոս՝ «Սփյուռքահայ կոմունիստների առաջին տպագիր կոչը և նրա պատմական նշանակությունը»): Բացի այդ, տպագրված է մեկ գրականություն, որը նվիրված է «Արխիվային շինարարությունը Հայաստանում» գրքին:

«Բաները Հայաստանի արխիվների» հանդեսի խնդիրն է՝ առաջին պլանի վրա մղել արխիվային փաստաթղթեր հրատարակելու, դրանք գիտական հասարակայնության լայն շրջաններին մատչելի դարձնելու գործը: Եթե այս արդարացի պահանջներով մոտենանք «Բաների» առաջին գրքին և համեմատենք նրա բաժինների բեռնվածությունը, կտեսնենք, որ հանդեսի 238 էջից միայն 44 էջն է հատկացված արխիվային փաստաթղթերի հրապարակմանը, մինչդեռ հոդվածներին ու հաղորդումներին հատկացված է հանդեսի ավելի քան 3/4-ը: Իսկ, մեր կարծիքով, ճիշտ չէ, որովհետև հետին պլանի վրա է մղում հանդեսի առաջ դրված հիմնական խնդիրը: Հանդեսը հիմնականում պետք է տպագրի իր մասնագիտացման տեսակետից ինքնատիպ այնպիսի հոդվածներ, որոնք լուսաբանեն արխիվային գործի պատմության, արխիվային տնտեսության բարելավման, առաջավոր փորձի փոխանակման և նման այլ հարցեր:

Հ. ԱՐԱՐԱՏՅԱՆ

Վ. Հ. ԹՇՏՈՒՆԻ, *Ուրվագծեր Հայաստանի գյուղացիության պատմության*. Երևան, 1960, 340 էջ, գինը 13 ռ. 10 կ.:

Պրոֆ. Վ. Թշտունին նպատակ է դրել երեք հատորով հրատարակել «Ուրվագծեր Հայաստանի (իմա՝ Արևելյան Հայաստանի) գյուղացիության պատմության» աշխատությունը: Առաջին հատորը, որն արդեն լույս է տեսել և հանդիսանում է ներկա գրականության առաջին, ընդգրկում է 1828—1870 թթ., այսինքն՝ Արևելյան Հայաստանի Ռուսաստանին միաց-

նելուց սկսած մինչև Հայաստանում գյուղացիական ռեֆորմի անցկացումը, երկրորդ հատորը ընդգրկելու է 1870—1900 թթ., իսկ երրորդը՝ 1900—1917 թթ.:

«Ուրվագծերի» առաջին հատորում հեղինակը համառոտակի կանգ է առնում 1828 թվականից առաջ Արևելյան Հայաստանում գյուղություն ունեցող ֆեոդալական հարաբերություն-